



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expedita Juris Divini, Natvralis, Et Ecclesiastici Moralis
Expositio**

Tamburini, Tommaso

Coloniæ Agrippinæ, 1665

Exigere benevolentiam ex Justitia. parag. 1.

urn:nbn:de:hbz:466:1-40132

*2 Delugo
d. 25. de
Iust. nu.
195.*

Dixi ex Filiicio, nam Delugo a propender ad dicendum, licet denique se remittat intentioni Mutuantum, & consuetudini) propendet, inquam, ad dicendum, quando bona fide Ministri Montis exigunt titia verbi gratia pro centum, putantes hoc sufficere, posse id, quod forte superest, retineri absolute pro Monte: sicuti, si forte non sufficerent, ipse Mons damnum patetur, nec à Mutuatariis illud refaciendum postularet: tunç enim, id est, initio Mutui, fuit par utriusque, Montis scilicet, & Mutuatarii periculum, sicuti supra in simili dictum est de ludo sortis, ergo corundem erit, sive emolumentum, sive detrimentum.

C A P U T IV.

Casus in Mutuo Usuram certò continententes.

§. I.

Exigere in Mutuo benevolentiam ex Iustitia.

Cum possim, ut capite præcedente §. secundo diximus, à Mutuatario exigere gratitudinem, benevolentiam, Amorem, quæro hic, an possim hæc exigere quæ debita ex Iustitia.

2. Respondeo, nequaquam, sed solum, sicut ibi diximus, tanquam congruentia, & cum libertate Mutuatarii. Ratio est manifesta, quia, si exigeres amorem ex Iustitia, exigeres plus quam tibi à Mutuatario debetur, ab ipso enim debetur tantummodo ex convenientia. Lege Valentiam, b

*b Valent.
To. 3. diff.
5 q. 21. p. 2*

§. II.

Exigere tanquam ex Iustitia in Mutuo obligacionem remutuandi, fidejubendi, vendendi, Agros colendi, &c.

I. Si quis Mutuet alteri cum pacto, ut Mutuatarius teneatur remutuare Mutuantum, quandois indigerit.

2. Si cum pacto, ut Mutuatarius mihi, in aliquo negotio, vel alteri meo amico fidejubeat.

3. Si cum pacto, ut idem Mutuatarius aliquid iter suscipiat, vel aliquod opus in metu obsequium faciat, puta, medendi, docendi, vendendi, advocandi, agros meos suo tempore colendi, &c.

4. Si cum pacto, ut idem conferat mihi Mutuantum, vel amico aliquod officium temporale, vel aliquod Beneficium Ecclesiasticum.

5. Si cum pacto, ut idem Mutuatarius exhibeat mihi Mutuantum, vel alteri munus, quod vocant à lingua, quale est alloqui Principem, Judicem, &c. Vel ab obsequio, quale est comitari me Mutuantem, vel meam uxorem, filios, &c. Vel à manu, quale est aliquid mihi Mutuantum, vel suis elargiri.

6. Si cum pacto, ut ipse Mutuatarius frequenter officinam, vel scholam, vel Molendinum Mutuantis.

7. Si quis, inquam, cum aliquo ex his patet, ea ex Iustitia requirendo, mutuet, Usurarius clarè est. Ratio dicitur ex dictis, quia hæc sunt gravamina ultra, seu præter mutuum, suntque obligationes civiles, sanc pætio æstimabiles. Hæc sparsim habes apud Doctores, apud quos invenies, an officium temporale, & Beneficium Ecclesiasticum, si sic acquiruntur, validè acquirantur? & an saltem sint renuntianda; & denique, an fructus ex illis percepti sint restituendi? præterim in Beneficio Ecclesiastico, ubi, sic, interveniret Simonia, quæ omnem collationem invalidat cum onere restituendi. Hæc autem solum innuo, nam ceterum pertinent ad alias materias.

8. Dixi tamen (requirendo ex Iustitia) nam, si solum, & sincerè sine pallio Usura hæc requirantur, immò, & ad illa exciter Mutians Mutuatarium, tanquam rememorando id, quod de jure natura est, nempè congruentiam ex gratitudine, non erit Usura, ut ex præced. §. constat.

9. Huc pertinet sequens contrahendi modus, quo sic das: *Mutuabo interim, dum frequentabis meum Molendinum, vel quid simile facies: at, quando desieris hæc prestare, tenearis mihi Mutuum reddere. Quæro enim, an hæc sit Usura?*

Respondeo. Molina, c & Less. d' aliique, licet fateantur, periculum maximum esse, ne illa pallietur, tamen in rigore, si sine fuco, & fallacia fiat, Usuram non esse, putant.

Ratio